

Stofnun stjórnsýslufræða og stjórnmála  
Stjórnmálafræðideild  
Háskóla Íslands

Yfirlit yfir helstu verkefni  
starfsárið 2023

Janúar 2024

## Efnisyfirlit

Frá formanni stjórnar og forstöðumanni Stofnunar stjórnsýslufræða og stjórn mála .....	3
1. Inngangur.....	4
2. Stjórnun, samstarf, rannsóknir og þróunarverkefni .....	4
2.1 Stjórn og starfsfólk .....	4
2.2 Samstarfsaðilar.....	4
2.3 Rannsóknir og þróunarverkefni.....	6
3. Útgáfa og vefir .....	7
3.1 Vef tímaritið Stjórn mála & stjórnsýsla .....	7
3.2 Vefir stofnunarinnar .....	10
3.3. Vinnupappírar.....	10
4. Fræðsla og upplýsingamiðlun um stjórnsýslu, stjórn mála og málefni líðandi stundar .....	10
4.1 Stjórnsýslufræðsla og önnur námskeið.....	10
4.2 Ráðstefnur, málþing og opnir fyrirlestrar.....	11
5. Fjármál stofnunarinnar .....	12
Viðauki 1. Viðburðir og námskeið á vegum Stofnunar stjórnsýslufræða og stjórn mála árið 2023 .....	14
Viðauki 2. Titlar og höfundar ritrýndra greina í tímaritinu <i>Stjórn mála &amp; stjórnsýsla</i> árið 2023.....	17

## Frá formanni stjórnar og forstöðumanni Stofnunar stjórnsýslufræða og stjórn mála

Árið 2023 var tuttugasta og fyrsta starfsár Stofnunar stjórnsýslufræða og stjórn mála. Sem fyrr voru helstu viðfangsefni á sviði útgáfu, opinna funda og ráðstefna, hagnýtra námskeiða, rannsókna og umsýslu þeirra og þjónustuverkefna fyrir samstarfsaðila hjá hinu opinbera.

Stofnunin hélt að vanda fjölda opinna funda, málþinga og ráðstefna um ýmis viðfangsefni stjórn mála og stjórnsýslu, ýmist ein og sér eða í samstarfi við aðila á borð við Félag forstöðumanna ríkisstofnana, Félag stjórn málafræðinga og önnur félög, stofnanir, ráðuneyti og Reykjavíkurborg. Stofnunin leitaðist þannig sem fyrr við að vera öflugur umræðuvettvangur um málefni stjórn mála og stjórnsýslu. Alls mættu um ellefu hundruð manns á fundi stofnunarinnar og samstarfsaðila á árinu og heimasíða stofnunarinnar fékk um átta þúsund heimsóknir. Þá kom stofnunin sem fyrr að rannsóknum og útgáfu á sviði opinberrar stjórnsýslu.

Hagnýt námskeið fyrir starfsfólk í opinberri þjónustu o.fl. nutu sem fyrr mikilla vinsælda en sextán námskeið voru haldin á árinu með alls um átta hundruð þátttakendum. Stofnunin hefur stefnt á aukinn fjölbreytileika í framboði þar enda eftirspurnin víða mikil. Auk hefðbundinna námskeiða um stjórnsýslurétt, persónuvernd, upplýsingalög o.fl. hefur stofnunin þannig á undanförunum árum m.a. bætt við námskeiðum um fjármál sveitarfélaga, stjórnsýslu loftslagsmála o.fl. og á nýju ári verður m.a. boðið upp á nýtt námskeið í opinberri stefnumótun.

Útgáfa tímaritsins *Stjórn mála & stjórnsýsla* skipaði að vanda mikilvægan sess í starfsemi stofnunarinnar, sem og umsýslu stofnunarinnar með útgáfu *Tímarits um viðskipti og efnabagsmál* (TVE). Síðarnefnda tímaritið fagnaði tuttugu ára afmæli á árinu sem það fyrrnefnda gerir á árinu 2024, en alls hafa nú komið út 300 fræðigreinar í tímaritinu *Stjórn mála & stjórnsýsla*. Stöðugleiki í útgáfu slíkra tímarita er mikilvæg forsenda rannsókna og útgáfu á viðkomandi fræðasviðum. Útgáfa fjölda íslenskra fræðitímarita, þeirra tveggja framangreindu þar með talið, mætti þó verulegum tæknilegum áskorunum á árinu 2023 þegar Upplýsingatæknisvið Háskóla Íslands (UTS) hætti að sjá um hýsingu og kerfisþjónustu fyrir þau. Erlendur aðili sem hýsingin var færð til fyrir milligöngu UTS hefur ekki staðið undir væntingum hvað kerfisþjónustu varðar og þegar þetta er ritað er leitað annarra leiða hér innanlands.

Það er verulegt umhugsunarefni ef íslenskt háskólasamfélag getur ekki séð útgáfu íslenskra fræðiritra fyrir aðgangi að (mjög takmarkaðri en þó) nauðsynlegri þjónustu á sviðum upplýsingafræði og kerfisstjórnunar. Eitt af mikilvægari verkefnum nýs árs er að finna þessari útgáfu öruggari tæknilega umgjörð en nú er – á tuttugu ára afmælisári tímarits stofnunarinnar, *Stjórn mála & stjórnsýslu*.

*Gunnar Helgi Kristinsson stjórnarformaður og Gústaf Adolf Skúilason forstöðumaður Stofnunar stjórnsýslufræða og stjórn mála.*

## 1. Inngangur

Stofnunin starfar í samræmi við reglur um Stofnun stjórnsýslufræða og stjórn mála og stefnumótun stjórnar á hverjum tíma. Í gildandi reglum stofnunarinnar segir m.a. eftirfarandi um hlutverk hennar:

„Stofnun stjórnsýslufræða og stjórn mála er rannsókn-, fræðslu- og þjónustustofnun sem starfrækt er af Háskóla Íslands. Stofnunin er vettvangur samstarfs Háskóla Íslands við opinbera aðila um eflingu náms og rannsókna um stjórnun opinberra stofnana, bæði ríkis og sveitarfélaga, og vettvangur umræðu um stjórn mála og stjórnsýslu. Stofnunin heyrir undir Stjórn málafræðideild á Félagsvísindasviði. Hún starfar sem sjálfstæður aðili í tengslum við Félagsvísindastofnun HÍ.“

Í þessari ársskýrslu er gerð grein fyrir starfsemi stofnunarinnar á 21. starfsári hennar árið 2023.

## 2. Stjórnun, samstarf, rannsóknir og þróunarverkefni

### 2.1 Stjórn og starfsfólk

Stjórn Stofnunar stjórnsýslufræða og stjórn mála er kosin til þriggja ára, síðast í janúar 2023. Samkvæmt reglum stofnunarinnar skipar forseti Félagsvísindasviðs stofnuninni sjö manna stjórn til þriggja ára. Deildarfundur í Stjórn málafræðideild tilnefnir þrjá menn í stjórnina og rektor Háskóla Íslands einn. Forseti Félagsvísindasviðs skipar þrjá stjórnarmenn án tilnefningar, m.a. frá samstarfsaðilum stofnunarinnar sem samningar hafa verið gerðir við. Fulltrúar Stjórn málafræðideildar í stjórn eru: Gunnar Helgi Kristinsson prófessor, formaður stjórnar, Eva Marín Hlynisdóttir prófessor og Sigurbjörg Sigurgeirsdóttir prófessor. Aðrir í stjórn eru: Pétur Berg Matthíasson sérfræðingur í háskóla-, iðnaðar og nýsköpunarráðuneytinu en áður í forsætisráðuneytinu hvers fulltrúi hann er í stjórn, Ragna Árnadóttir skrifstofustjóri Alþingis, Trausti Fannar Valsson dósent við Lagadeild HÍ sem tilnefndur er af rektor HÍ og Þorsteinn Gunnarsson borgarritari sem er fulltrúi Reykjavíkurborgar. Stjórnin fundar gjarnan einu sinni til tvisvar á ári en árið 2023 voru einungis rafrænar afgreiðslur á vettvangi stjórnar.

Skrifstofa Stofnunar stjórnsýslufræða og stjórn mála er sem fyrr í húsnæði Félagsvísindastofnunar Háskóla Íslands í Gimli við Sæmundargötu. Gústaf Adolf Skúlason gegndi sem fyrr starfi forstöðumanns og fyrri helming árs starfaði Ásdís Björk Gunnarsdóttir þar sem verkefnisstjóri í hlutastarfi. Hún færði sig síðan um set til Sjálfbærnistofnunar Háskóla Íslands og eru henni þökkud vel unnin störf hjá stofnuninni. Í október hóf Arnar Númi Sigurðarson störf sem nýr verkefnisstjóri hjá stofnuninni. Loks hafði Haukur Arnþórsson sem fyrr umsjón með vef tímaritsins *Stjórn mála & stjórnsýsla*, sem og vef *Tímarits um viðskipti og efnabagsmál (TVE)*.

### 2.2 Samstarfsaðilar

Auk kennara í stjórn mála- og stjórnsýslufræðum og ýmissa fleiri fræðimanna og stofnana innan HÍ o.fl. háskóla á stofnunin samstarf við fjölmarga aðila utan háskólasamfélagsins. Má þar nefna forsætisráðuneytið, Reykjavíkurborg, umboðsmann Alþingis og ýmsar opinberar stofnanir en einnig Samband íslenskra sveitarfélaga, Félag stjórn málafræðinga, Félag forstöðumanna ríkisstofnana o.fl. Þá starfar stofnunin með sjálfstætt starfandi sérfræðingum, starfsfólki opinberrar stjórnsýslu og sérfræðingum ráðgjafafyrirtækja m.a. vegna skipulagningar á málþingum,

fræðslufundum og lengri og skemmri námskeiðum um stjórnsýslu og stjórnun í opinberum rekstri fyrir starfsfólk stjórnsýslunnar og stjórnendur opinberra stofnana.

Reykjavíkurborg hefur verið formlegur samstarfsaðili stofnunarinnar frá upphafi og er samstarfið stofnuninni mjög mikilvægt. Í gildandi þjónustusamningi stofnunarinnar við borgina er fjallað um þjónustuverkefni, stjórnsýsluskóla, hagnýt rannsóknarverkefni og um málþing og opna fundi. Á árinu leitaði borgin aðstoðar eða ráðgjafar stofnunarinnar með nokkur mál og þegar þetta er ritað er stofnunin að vinna úttekt á þátttöku borgarinnar í tilteknum fjölþjóðlegum rannsóknarverkefnum en sú vinna hófst í lok árs 2023.

Stærsta samstarfsverkefni stofnunarinnar við Reykjavíkurborg á árinu var hins vegar EURA ráðstefnan um þéttbýlismyndun, borgarskipulag og byggðamál sem haldin var dagana 22.-24. júní. Hana sóttu um 300 fræðimenn frá 46 löndum en nánar er fjallað um ráðstefnuna í kafla 4.2. Loks sóttu 63 starfsmenn borgarinnar almenn námskeið stofnunarinnar á árinu, á sérstökum afsláttarkjörum sem borgin nýtur hjá stofnuninni.

Að vanda stóð stofnunin fyrir sex vikna námskeiði í stjórnsýslurétti í byrjun árs, en stofnunin hefur haft samstarf við forsætisráðuneytið, umboðsmann Alþingis og kennara við Lagadeild HÍ um slíkt námskeiðahald frá árinu 2005. Stofnunin hefur jafnframt lengi verið með þjónustusamning við forsætisráðuneytið og í núgildandi samningi er fjallað um rannsóknarverkefni um árangur í stefnumótun, framkvæmd könnunar á stöðu stefnumótunar innan Stjórnarráðsins, stjórnsýsluskóla fyrir starfsfólk Stjórnarráðsins, hagnýt rannsóknarverkefni fyrir háskólanema og samstarf um málþing og opna fundi. Á árinu 2021 sá stofnunin síðast um framkvæmd framangreindrar könnunar á stöðu stefnumótunar, sem gerð hefur verið nokkrum sinnum. Þá vinna þeir Gunnar Helgi Kristinsson prófessor í stjórnmálafræði og stjórnarformaður stofnunarinnar og Pétur Berg Matthíasson, sem áður starfaði hjá forsætisráðuneytinu, saman að rannsókn á árangri stjórnsýsluumbóta sem stofnunin hefur jafnframt komið að. Enn fremur kom lögfræðingur úr forsætisráðuneytinu m.a. að kennslu á sex vikna námskeiði stofnunarinnar í stjórnsýslurétti. Þá sóttu 82 starfsmenn Stjórnarráðsins almenn námskeið stofnunarinnar á árinu, á sérstökum afsláttarkjörum sem Stjórnarráðið nýtur hjá stofnuninni. Loks ber að geta málþingsins „Embættismaðurinn í nútímasamfélagi“ sem stofnunin og ráðuneytið héldu sameiginlega á Nordica hótelinu 23. mars. Nánar er fjallað um það í kafla 4.2.

Seðlabanki Íslands hefur stutt við útgáfu tímaritsins *Stjórnsmál & stjórnsýsla* um nokkurt skeið en samningur þess efnis gildi út árið 2023 og hefur ekki verið endurnýjaður. Fjölmarginir aðrir opinberir aðilar hafa jafnframt keypt styrktaráskriftir að tímaritinu sem gerir stofnuninni m.a. kleift að gefa það út á prentformi. Nánar er fjallað um útgáfu tímaritsins í kafla 3.1. og í viðauka 2.

Samstarf stofnunarinnar við *Tímarit um viðskipti og efnahagsmál (TVE)* hélt áfram á árinu 2023, en stofnunin hefur haft umsjón með útgáfu tímaritsins í samstarfi við ritstjórn þess frá árinu 2017. Seðlabanki Íslands, Hagfræðideild HÍ, Viðskiptadeild Háskólans á Bifröst, Viðskiptafræðideild HÍ og Viðskiptadeild Háskólans í Reykjavík standa að útgáfu tímaritsins. Um er að ræða fræðitímarit með ritrýndum greinum sem kemur út tvisvar á ári í vefútgáfu og gefur 10 stig í matskerfi opinberra háskóla. Hlutverk stofnunarinnar við útgáfu TVE er að vinna með ritstjórn og hafa umsjón með samskiptum við höfunda og ritrýna, taka við nýjum greinum og halda utan um ritrýniferlið, auk

Þess að sjá um undirbúning greina í umbrot og vefútgáfu, kynningarmál, útgáfuviðburði og fjármál. Á móti greiðir tímaritið stofnuninni árlega umsýsluþóknun. Tímaritið kom út tvisvar í vefútgáfu árið 2023, í júní og desember, með alls þrettán ritrýndum fræðigreinum. Þá fagnaði tímaritið 20 ára afmæli á árinu. Af því tilefni var efnt til opins afmælisfundar í Veröld föstudaginn 10. nóvember. Spurt var: *Hvernig hafa fræðin þróast á 20 árum? Hvar erum við stödd? Hvert stefnum við?* Ásgeir Jónsson Seðlabankastjóri hélt stutt ávarp og erindi fluttu þau Runólfur Smári Steinþórsson prófessor, Þóra H. Christiansen aðjúnt og Gylfi Magnússon prófessor. Upptöku af fundinum má nálgast á vefsíðu Stofnunar stjórnsýslufræða og stjórn mála. Vefsíða tímaritsins er [www.efnahagsmal.is](http://www.efnahagsmal.is). Nokkrar áskoranir fylgdu yfirfærslu hýsingar á vef þess til Open Journal Systems haustið 2023, en Upplýsingatæknisvið Háskóla Íslands lét af hýsingu slíkra tímarita á árinu og hafði milligöngu um yfirfærslu hennar til fyrrnefndra aðila. Nánar er fjallað um þá reynslu og núverandi stöðu tímaritanna í kafla 3.1. um tímaritið *Stjórn mála & stjórnsýslu*.

Á árinu hélt stofnunin tvo morgunverðarfundi í samstarfi við Félag forstöðumanna ríkisstofnana (FFR) og voru þeir vel sóttir af stjórnendum ríkisstofnana auk stjórnenda sveitarfélaga o.fl. Annars vegar var fjallað um stjórnsýsluúttektir Ríkisendurskoðunar og hins vegar um öryggismál stofnana og viðbrögð við ógnunum í garð starfsfólks.

Meðal fjölmargra annarra samstarfsaðila stofnunarinnar má nefna Félag stjórn málafræðinga, kennara Stjórn málafræðideildar HÍ og annarra deilda og háskóla, aðrar rannsóknarstofnanir við HÍ, Sameyki o.fl. Sjá nánari umfjöllun um opna fundi um málefni líðandi stundar sem stofnunin stóð fyrir á árinu í kafla 4.2 og í viðauka 1.

## **2.3 Rannsóknir og þróunarverkefni**

Segja má að veigamesta rannsóknarverkefni stofnunarinnar undanfarin ár hafi verið á lokametrunum á árinu, lögmætisverkefnið sem fjallað er um hér á eftir.

**2.3.1 Rannsóknarverkefni um lögmæti.** Árið 2018 hlaut rannsóknarverkefnið *Hefur lögmæti áhrif?* (e. Does legitimacy make a difference?) þriggja ára (2018-2020) verkefnastyrk upp á 26 milljónir úr Rannsóknasjóði Íslands (Rannís). Rannsóknin leitast við að meta hvort lögmæti hafi áhrif á hegðun fólks og þar er sjónum sérstaklega beint að skattaundanskotum, spillingu og popúlisma. Rannsóknarstjóri verkefnisins er Gunnar Helgi Kristinsson, prófessor við Stjórn málafræðideild HÍ, en hlutverk stofnunarinnar í verkefninu hefur falist í að aðstoða við gagnauðvinnslu, sjá um fjármálaumsýslu og hafa umsjón með viðburðum og kynningum á rannsóknarniðurstöðum í samstarfi við rannsóknarstjóra. Framvinda rannsóknarverkefnisins var lengst af að mestu leyti samkvæmt áætlun en Covid-19 hafði m.a. áhrif á tækifæri til kynningar á greinum og einnig varð dráttur á einhverjum greinaskrifum. Í ársbyrjun 2023 skilaði stofnunin lokaskýrslu til Rannís en vinna hefur þó haldið áfram við lokafrágang og birtingu fræðigreina.

**2.3.3 Rannsóknasetur um fjölmiðlun og boðskipti.** Rannsóknasetur um fjölmiðlun og boðskipti er rannsókn-, fræðslu- og þjónustustofnun sem starfrækt er af Háskóla Íslands og Háskólanum á Akureyri. Hlutverk þess er að auka og efla rannsóknir á sviði fjölmiðla og fréttamennsku og að vera samstarfsvettvangur á milli fræðasamfélags og fjölmiðlafólks. Setrið var gert að sjálfstæðri einingu innan Stofnunar stjórnsýslufræða og stjórn mála síðla árs 2016. Föstudaginn 20. október 2023 hélt Stofnun stjórnsýslufræða og stjórn mála, í samstarfi við

meistaránám í blaða- og fréttamennsku og Rannsóknarsetur í fjölmiðla- og boðskiptafræðum, opinn fund þar sem Christian Christensen prófessor í blaða- og fréttamennsku við Stokkhólmsháskóla hélt erindið „Elon Musk, goðsagnir um málfrelsið og daður við öfuga-hægrið“. Fjallaði hann m.a. um hvernig Musk hefur beitt eignarhaldi sínu á samfélagsmiðlinum X (áður Twitter) gagnvart ólíkum stjórn málaöflum.

**2.3.4. Scandinavian Political Studies.** Á árinu tóku þrír prófessorar við Stjórn málafræðideild Háskóla Íslands við sem ritstjórar fræðitímaritsins Scandinavian Political Studies, sem gefið er út af samtökum norrænna stjórn málafræðinga (Nordic Political Science Association - NoPSa). Eva Heiða Önnudóttir prófessor við sömu deild gegnir nú formennsku í NoPSA og er það í fyrsta sinn sem Íslendingur leiðir samtökin. Á árunum 2023-2026 verður ritstjórn tímaritsins á hendi þeirra Maximilian Conrad, Silju Báru Ómarsdóttur og Stefaníu Óskarsdóttur. Útgáfufyrirtækið Wiley hefur umsjón með útgáfunni sjálfri en Stofnun stjórnsýslufræða og stjórn mála verður ritstjórninni innan handar á grundvelli sérstakrar fjárveitingar frá rektor Háskóla Íslands.

Loks skal nefna að stofnunin hefur tekið að sér afmarkaða þætti í rannsóknarverkefnum kennara við Stjórn málafræðideild, aðstoðað við frágang handrita fyrir bókaútgáfu o.fl. Þá gerðist stofnunin í lok árs samstarfsaðili um stjórnsýslustofnunar í Portúgal (INA (e. National Institute of Administration)) í umsókn um styrk til Uppbyggingarsjóðs EES sem ætlað er að fjármagna mögulegar heimsóknir milli ráðuneyta og stjórnsýslustofnana og gagnkvæmar kynningar ýmissa stjórnsýsluverkefna milli opinberrar stjórnsýslu ríkjanna tveggja.

### 3. Útgáfa og vefir

#### 3.1 Vef tímaritið Stjórn mála & stjórnsýsla

Stofnunin hefur gefið út vef tímaritið *Stjórn mála & stjórnsýsla* frá árinu 2005 og fagnar tímaritið því 20 ára afmæli árið 2024. Megintilgangur tímaritsins er að gera fræðilegt efni um íslenska stjórnsýslu og stjórn mála aðgengilegt með það fyrir augum að auka við þekkingu og efla faglega umræðu á þessu sviði. Tölublöðin eru öllum aðgengileg á vefsíðunni [www.irpa.is](http://www.irpa.is) sem stendur fyrir enskt heiti tímaritsins: *Icelandic Review of Politics & Administration – IRPA*, sem og á slóðinni [www.stjornmalogstjornsysla.is](http://www.stjornmalogstjornsysla.is). Frá árinu 2012 hefur tímaritið komið út í íslensku og ensku vefviðmóti og er hægt að velja á milli tungumála. Prentuð útgáfa kemur út einu sinni á ári, en í henni eru ritrýndu greinar vefútgáfunnar frá árinu áður og kom hún út í mars þetta starfsárið. Hátt í 100 einstaklingar og stofnanir eru áskrifendur að tímaritinu, greiða árlegt áskriftargjald og fá senda prentuðu útgáfuna. Þar af eru tíu opinberar stofnanir, ráðuneyti og félagasamtök sem styðja útgáfuna sérstaklega með styrktaráskrift. Einnig hefur Seðlabanki Íslands styrkt útgáfuna með fjárframlagi en samningur þar að lútandi rann út árið 2023 og hefur ekki verið endurnýjaður. Tímaritið hefur á síðustu árum eflst og er það afar mikilvægur birtingarvettvangur fyrir fræðimenn á sviði félagsvísinda. Frá upphafi til ársloka 2023 hafa birst 300 ritrýndar fræðigreinar í tímaritinu, 69 almennar greinar og 128 bókadómar. Undanfarin ár hefur tímaritið þó einungis gefið út ritrýndar fræðigreinar.

Sem fyrr komu út tvö tölublöð í vefútgáfu á árinu, í júní og desember, að þessu sinni með þremur og síðar fjórum ritrýndum fræðigreinum (sjá yfirlit yfir greinarnar í viðauka 2). Hefðbundinn útgáfufundur var haldinn í tengslum við útgáfu tímaritsins í desember.

Í ritstjórn tímaritsins sitja fimm manns: Gunnar Helgi Kristinsson prófessor og aðalritstjóri, Agnar Freyr Helgason dósent, Eva H. Önnudóttir prófessor, Eva Marín Hlynsdóttir prófessor, en þau starfa öll við Stjórn málafræðideild HÍ, og loks Gústaf Adolf Skúlason forstöðumaður Stofnunar stjórnsýslufræða og stjórn mála. Umsjón með útgáfunni hafði sem fyrr forstöðumaður stofnunarinnar, en Haukur Arnþórsson hefur umsjón með vef tímaritsins.

Hjá tímaritinu er einnig ráðgefandi ritstjórn sem og International Advisory Board. Báðar ritstjórnirnar eru skipaðar virtum erlendum og innlendum fræðimönnum á fræðasviði tímaritsins. Í ráðgefandi ritstjórn eru eftirtaldir: Jóhanna K. Birnir, University of Maryland, Magnús Þorkell Bernharðsson, Williams College, Guðmundur Heiðar Frímansson, Háskólinn á Akureyri, Ólafur Þ. Harðarson, Háskóli Íslands, Indriði H. Indriðason, University of California, Riverside, Anna G. Jónasdóttir, University of Örebro, Tiina Randma-Liiv, Tallinn University of Technology, og Gyða Margrét Pétursdóttir, Háskóli Íslands.

Í International Advisory Board eru eftirfarandi: Shaun Bowler, University of California, Riverside, Donatella Della Porta, European University Institute, Sieglinde Gstöhl, College of Europe, Beatrice Halsaa, University of Oslo, Johanna Kantola, University of Helsinki, Don Kettl, University of Maryland, Mona Lena Krook, Rutgers University, Brendan O'Leary, University of Pennsylvania, Simona Piattoni, University of Innsbruck, Gerry Stoker, University of Southampton og Jos C. N. Raadschelders, University of Oklahoma.

Greinar sem birtast í tímaritinu eru metnar til 15 stiga í matskerfi opinberra háskóla. Matskerfið gerir ráð fyrir því að íslensk tímarit séu flokkuð í samræmi við það hversu strangar vísindalegar kröfur tímaritin gera við mat á greinum sem þeim berast til birtingar, en þau þurfa að uppfylla ákveðin skilyrði um ritstjórnarhætti. Ritrýndar greinar sem birtast í tímaritinu *Stjórn mála & stjórnsýsla* eru því metnar í hæsta flokk íslenskra fræðitímarita en matskerfið er grundvöllur mats á störfum akademískra starfsmanna við opinbera háskóla.

Ritstjórn markaði sér þá stefnu árið 2012 að sækja um skráningu á tímaritinu í erlenda gagnagrunna vísindatímarita og hefur náðst töluverður árangur í þeirri vinnu. Enn á tímaritið þó eftir að fá skráningu í mikilvæga grunna eins og Scopus. Ritstjórn og útgefandi hafa unnið að endurbótum sem eru nauðsynlegar til að fá skráningu á tímaritinu í Scopus gagnagrunninum.

Tímaritið er með aðgang að eftirfarandi samtökum og kerfum, en þessi aðgangur er grunnur að skráningu í erlenda gagnagrunna vísindatímarita:

#### 1. **CrossRef-Publishers International Linking Association (PILA)**

Sem útgefandi tímaritsins er stofnunin meðlimur í **Cross Ref Publishers International Linking Association (PILA)**. PILA úthlutar meðlimum DOI númeri sem er grundvöllur skráningar tímarita í gagnagrunna. Tímaritinu hefur verið úthlutað DOI númeri og hafa allar greinar tímaritsins frá upphafi (árið 2005) fengið slíkt númer.



## 2. Open Access Scholarly Publishers Association (OASPA)

Stofnunin sem útgefandi tímaritsins fékk inngöngu í **Open Access Scholarly Publishers Association (OASPA)** árið 2013. OASPA hvetur útgefendur til að nota [Creative Commons licenses](#), sérstaklega Creative Commons Attribution License (CC-BY), sem grundvöll fyrir opinn aðgang að fræðilegu efni skv. viðurkenndri skilgreiningu á opnum aðgangi vísindatímarita. Merki Creative Commons Licences kemur fram á forsiðu tímaritsins *Stjórnmal & stjórnsýsla* til marks um að það fylgi viðurkenndum stöðlum um opinn aðgang.

## 3. Open Journal Systems (OJS)

Stofnunin tók í gagnid ritstjórnar- og dreifingarkerfi Open Journal Systems (OJS) árið 2013. Allar greinar sem birst hafa í tímaritinu hafa verið settar í OJS kerfið. Kerfið er ritstjórnarkerfi fyrir höfunda, ritrýna og ritstjóra og styður tvíblinda ritrýni, sér um leiðbeiningar og áminningar til höfunda og ritrýna, er birtingarkerfi fyrir tímaritsgreinar á vefnum og útbýr eigin greinar í rafrænt form (export/import skrár) fyrir skráningu hjá alþjóðlegum skráningaraðilum fræðigreina.

Tímaritið er nú þegar skráð í eftirfarandi erlenda gagnagrunna vísindatímarita:

1. **Directory of Open Access Journal (DOAJ);**
2. **ProQuest** - undir ProQuest Political Science Journals;
3. **Google Scholar Metrics;**
4. **EBSCO** - EBSCO Information Services gagnagrunnur.
5. **ESCI** - Thomson Reuters Emerging Source Citation index

Á árinu 2023 ákvað Upplýsingateknisvið Háskóla Íslands (UTS) að hætta hýsingu og ákveðinni kerfisþjónustu við útgáfu fræðitímarita. Mælti UTS með að leitað yrði eftir hýsingu hjá áður nefndum Open Journal Systems (OJS – sem halda úti ókeypis hugbúnaði en taka jafnframt að sér hýsingu gegn gjaldi) og hafði milligöngu um yfirfærslu hýsingar þangað. Um er að ræða nokkur íslensk fræðitímarit, m.a. *Stjórnmal & stjórnsýsla* og *TVE-Tímarit um viðskipti og efnahagsmál*. Því miður heppnaðist yfirfærslan ekki vel og komu ýmsar áskoranir upp sem ekki sér ennþá alfarið fyrir endann á þegar þetta er ritað. Yfirfærslan krafðist þannig uppfærslu í nýjustu útgáfu OJS kerfisins (3.0 í stað 2.0 sem tímaritin studdust áður við) sem er í sjálfu sér jákvætt en hafði ekki verið undirbúið sem skyldi. Þá hafa OJS ekki reynst veita þá kerfisþjónustu sem UTS veitti áður, m.a. hvað snertir nauðsynlegar aðlaganir á kerfinu vegna íslenskra hugtaka, en jafnframt hefur fyrirtækið ekki séð sér fært að lagfæra það sem misförst við yfirfærslu hýsingar og eru því miður nokkur dæmi um að eldri greinar tímaritsins *Stjórnmal & stjórnsýsla* séu ekki fyllilega aðgengilegar sem skyldi (þetta á hins vegar ekki við um TVE). Enn fremur býður staðsetning OJS í Arizona í Bandaríkjunum upp á talsvert langan viðbragðstíma ef upp koma vandamál með vefsíður íslenskra tímarita.

Þessar áskoranir snúa að all nokkrum fræðitímaritum sem gefin eru út af íslenskum háskólum og hafa m.a. forsetar þriggja fræðisviða innan Háskóla Íslands fundað um stöðu mála og skipað fulltrúa sviðanna í undirbúningsviðræður við Landsbókasafn Íslands - háskólabókasafn (Lbs) um að Lbs taki mögulega yfir þjónustu við íslensk fræðitímarit. Forstöðumaður Stofnunar stjórnsýslufræða og stjórnmalá er þar fulltrúi Félagsvísindasviðs. Aðgangur að upplýsingafræði- og kerfisfræðiþjónustu er nauðsynlegur til að halda úti slíkri útgáfu. Um er að ræða ókeypis hugbúnað (OJS), þótt fyrirtækið OJS innheimti nú gjald fyrir hýsingu, en auk aðstoðar sérfræðinga í upplýsingafræðum er nauðsynlegt að kerfisstjórar geti smíðað sértækar íslenskar aðlaganir við umræddan hugbúnað. Þegar þetta er ritað er ekki tímabært að fjalla um niðurstöður af viðræðum við Lbs, sem snúa m.a. að umfangi og kostnaði sem gæti krafist aðkomu fleiri aðila.

### 3.2 Vefir stofnunarinnar

Á vef stofnunarinnar, [www.stjornsyslustofnun.hi.is](http://www.stjornsyslustofnun.hi.is), er að finna helstu upplýsingar um starfsemi hennar, útgáfu o.fl. Vefurinn var heimsóttur 7964 sinnum á árinu. Stofnunin nýtir sér einnig samfélagsmiðla til kynningar á starfseminni og heldur úti Facebook-síðu og er á X (áður Twitter). Stofnunin rekur einnig vefsíðu tímaritsins *Stjórnsmál & stjórnsýsla* ([www.irpa.is](http://www.irpa.is)) eins og fram hefur komið, auk þess að hafa umsjón með vefsíðu Valds- og lýðræðisrannsóknarinnar ([www.vol.hi.is](http://www.vol.hi.is)). Loks heldur stofnunin utan um útgáfu *Tímarits um viðskipti og efnahagsmál* (IVE) sem gefið er út á heimasíðu þess [www.efnahagsmal.is](http://www.efnahagsmal.is).

### 3.3 Vinnupappírar

Árið 2018 hóf stofnunin að birta „vinnupappíra“ (e. working papers) fræðimanna á vefsíðu sinni. Um er að ræða handrit að tímarits- og/eða ráðstefnugreinum sem enn eru á vinnslustigi og hafa því ekki farið í gegnum ritrýniferli, en viðfangsefni þeirra eru á sviðum stjórnsmála- og stjórnsýslufræða. Allir vinnupappírar fá sér númer og útgáfan er skráð með ISSN númer. Vinnupappírarnir birtast á vefsíðunni undir „útgáfa“. Engar nýjar birtingar voru á árinu 2023.

## 4. Fræðsla og upplýsingamiðlun um stjórnsýslu, stjórnsmál og málefni líðandi stundar

### 4.1 Stjórnsýslufræðsla og önnur námskeið

Stofnunin hefur frá upphafi lagt mikla áherslu á að bjóða upp á styttri hagnýt námskeið sem einkum eru hugsuð fyrir starfsfólk í stjórnsýslu ríkisins og hjá sveitarfélögum. Á árinu stóð stofnunin fyrir 16 námskeiðum sem alls 792 þátttakendur sóttu, eða 737 þátttakendur á opnum námskeiðum auk 55 í lokuðu námskeiði fyrir starfsfólk stofnana í einu sveitarfélagi. Vegna Covid faraldursins voru flest námskeið kennd eingöngu í fjarnámi á árunum 2019-2021 en stofnunin hefur að mestu haldið sig við það fyrirkomulag sem gefist hefur vel, m.a. námskeið sem einkum eru ætluð sveitarfélögum. Í einu tilviki (sex vikna námskeiði um stjórnsýslurétt) var boðið upp á staðnám og fjarnám með streymi í rauntíma sem síðar er aðgengilegt sem upptaka, og í einu tilviki námskeið (um áfallastjórnun) eingöngu í staðnámi þar sem lögð er áhersla á þátttöku í umræðum og hópaverkefni.

Sem fyrr var boðið upp fjölbreytt úrval námskeiða á sviði stjórnsýsluréttar, um fjármál sveitarfélaga, skyldur og tækifæri sveitarfélaga á sviði loftslagsmála, upplýsingalög, persónuvernd, áfallastjórnun o.fl. Nokkur námskeiðanna hafa verið kennd til fjölda ára en nokkur voru fyrst kennd árið 2022. Á vorönn 2024 verður svo m.a. boðið upp á nýtt námskeið í opinberri stefnumótun.

Á árinu var í 19. skipti haldið *Sex vikna námskeið um stjórnsýslurétt fyrir starfsmenn ríkis og sveitarfélaga*, í samstarfi við forsætisráðuneytið og umboðsmann Alþingis. Námskeiðið nýtur ávallt mikilla vinsælda og umsjónarmaður þess og einn kennara árið 2023 var líkt og undanfarin ár Hafsteinn Þór Hauksson, dósent við Lagadeild Háskóla Íslands. Aðrir fyrirlesarar voru þau Anna Rut Kristjánsdóttir lögfræðingur hjá umboðsmanni Alþingis, Ásthildur Valtýsdóttir lögfræðingur í forsætisráðuneytinu, Særún María Gunnarsdóttir aðalskrifstofustjóri hjá umboðsmanni Alþingis, Skúli Magnússon umboðsmaður Alþingis og Tryggvi Gunnarsson fyrrverandi umboðsmaður Alþingis.

Kjartan Bjarni Björgvinsson dómari við Landsrétt kenndi alls tólf hálfis eða eins dags námskeið á árinu á vegum stofnunarinnar, á sviði stjórnsýsluréttar, um gildissvið upplýsingalaga, meðferð persónuupplýsinga, ákvarðanir í málefnum nemenda, tilkynningaskyldu til barnaverndaryfirvalda o.fl., en sjá má lista yfir námskeiðin í viðauka 1. Eitt þeirra var lokað, þ.e. haldið stjórnendur stofnana í einu sveitarfélagi.

Ásthildur Elva Bernharðsdóttir dósent við Háskólann á Bifröst kenndi námskeið um áfallastjórnun. Gunnlaugur A. Júlíusson hagfræðingur og fyrrverandi sveitarstjóri kenndi námskeið um fjárhagsáætlanir og ársreikninga og afkomu sveitarfélaga. Loks kenndi Stefán Gíslason frá Umhverfissráðgjöf Íslands (Environice) námskeið um verkefni, skyldur og tækifæri sveitarfélaga á sviði loftslagsmála.

#### **4.2 Ráðstefnur, málþing og opnir fyrirlestrar**

Sem fyrr lagði stofnunin jafnframt áherslu á að standa fyrir opnum fundum og málþingum um málefni sem eru ofarlega á baugi varðandi stjórnmal og stjórnsýslu í samstarfi við ýmsa aðila. Markhópur þessa fræðslu- og umræðuvettvangs eru stjórnendur í opinberum rekstri, starfsfólk stjórnsýslu ríkis og sveitarfélaga og fag-, fræði- og áhugafólk um opinbera stjórnsýslu og stjórnmal. Á árinu hélt stofnunin sextán opna fundi, málþing og ráðstefnur um ýmis viðfangsefni stjórnála og stjórnsýslu, ýmist ein og sér eða í samstarfi við aðra aðila. Algengast var líkt og oft áður samstarf við Félag stjórnmalafraeðinga, Alþjóðamálstofnun HÍ og Félag forstöðumanna ríkisstofnana, en einnig kom stofnunin að fundahöldum í samstarfi við aðila á borð við Félagsfræðingafélag Íslands, forsætisráðuneytið, Reykjavíkurborg, Rannsóknasetur um fjölmiðlun og boðskipti, Norræna húsið, utanríkisráðuneytið og ýmsar námsbrautir eða deildir innan Félagsvísindasviðs HÍ. Þá skipuleggur stofnunin opna fundi á vegum TVE-Tímarits um viðskipti og efnahagsmál, en stofnunin hefur umsjón með útgáfu tímaritsins. Flestir fundir stofnunarinnar eru opnir og án skráningar en í nokkrum tilfellum var haldið formlega utan um skráningu (svo sem á fjölþjóðlegri ráðstefnu og á morgunverðarfundum sem haldnir voru á Grand Hótel Reykjavík). Alls sóttu um 1100 manns fundi stofnunarinnar og samstarfsaðila á árinu. Hér verður í stuttu máli fjallað um þrjár ráðstefnur eða málþing sem haldin voru á árinu, en annars vísast til yfirlits í Viðauka 1.

Þann 23. mars héldu forsætisráðuneytið og Stofnun stjórnsýslufræða og stjórnála málþingið *Embættismaðurinn í nútímasamfélagi: Verksfæri í þágu lýðræðis og varðmaður góðra stjórnarháttanna*, á Hilton Reykjavík Nordica hótelinu. Katrín Jakobsdóttir forsætisráðherra ávarpaði málþingið í upphafi og að því loknu kynnti Bryndís Hlöðversdóttir ráðuneytisstjóri efnistöð nýskipaðs starfshóps sem ætlað er að fjalla um hlutverk og starfsskilyrði embættismanna. Bo Smith, fyrrum ráðuneytisstjóri í Danmörku, fór svo með erindi um sjö meginskyldur embættismanna í Danmörku en Bo stýrði þar úttektarnefnd um samspil embættismanna og stjórnmalamanna árið 2015 og mun verða starfshópnum til ráðgjafar. Karsten Dybvad, sem jafnframt er fyrrum ráðuneytisstjóri í Danmörku, fjallaði í kjölfarið um tillögur vinnuhóps sem hann leiddi og kynntar voru fyrr í sama mánuði en þar er fjallað um viðfangsefnið í ljósi nýlegra mála sem skekið hafa danskt samfélag, s.s. minkamálið og landsdómsmál gegn Inger Støjberg. Loks fjallaði Simon McDonald um reynslu sína sem háttsettur embættismaður í breska stjórnkerfinu. Hann starfaði í hartnær 40 ár í breska utanríkisráðuneytinu, m.a. sem ráðuneytisstjóri, og gaf árið 2022 út bókina *Leadership: Lessons from a Life in Diplomacy*.

Þann 23. maí stóð Stofnun stjórnsýslufræða og stjórn mála við Háskóla Íslands, í samstarfi við Félag stjórn málafræðinga og Félagsfræðingafélag Íslands, að opnum fundi um ástæður þess að hamingja mælist ítrekað einna mest á Norðurlöndunum. Bo Rothstein, fyrrverandi prófessor í stjórn málafræði við Oxford- og Gautaborgarháskóla og stofnandi hinnar virtu *Quality of Government Institute*, flutti erindi um ástæður þess að hamingja mælist ítrekað einna mest á Norðurlöndunum og fjallaði m.a. um mikilvægi trúverðugra stofnana, lágmörkun spillingar, hásmörkun lýðræðislegrar þátttöku borgaranna og ríkrar félagslegrar samheldni. Fundarstjóri var Gunnar Helgi Kristinsson, prófessor í stjórn málafræði við Háskóla Íslands.

Dagana 22.-24. júní hafði stofnunin ásamt með Senu umsjón með árlegri þverfaglegri ráðstefnu *EURA (European Urban Research Association)* – evrópsks samstarfsvettvangs um þéttbýlismyndun, borgarskipulag og byggðamál, í samstarfi við Reykjavíkurborg, Stjórn málafræðideild og Líf- og umhverfisvísindadeild HÍ. Eva Marín Hlynsdóttir, prófessor í stjórn málafræði sem situr í stjórn stofnunarinnar, hafði forystu um undirbúning og skipulag en með henni í undirbúningsnefnd sátu Ásdís Hlökk Theodórsdóttir, Benjamin Hennig, Gústaf Adolf Skúlason og Ólafur Rastrick frá Háskóla Íslands og Þorsteinn Gunnarsson borgarritari. Um 300 manns frá 46 löndum sóttu ráðstefnuna – fræðimenn á sviðum félagsvísinda, skipulagsfræða, arkitektúrs o.fl., auk m.a. starfsfólks sveitarfélaga. Ráðstefnan var haldin í húsakynnum Háskóla Íslands og alls voru flutt um 250 erindi í 55 málstofum um ýmsar hliðar þéttbýlisþróunar, byggðamála, skipulagsmála o.s.frv. Innviðaráðuneytið og byggðaáætlun studdu við framkvæmd ráðstefnunnar og þá átti Reykjavíkurborg mjög stóran þátt í skipulagi og framkvæmd. Þannig var þátttakendum boðið til móttöku í Ráðhúsinu og borgarritari stýrði sameiginlegri dagskrá í Háskólabíó þar sem kynntar voru grænar áherslur Reykjavíkurborgar, samgöngusáttmálinn, regnbogaáherslur borgarinnar, íbúalýðræði o.fl. Loks hafði borgin veg og vanda af þematengdum skoðunarferðum sem boðið var upp á.

Í viðauka 1 má finna yfirlit yfir opna fundi stofnunarinnar á árinu og samstarfsaðila, þar sem við á, en nánar má lesa um fundina – og í mörgum tilfellum nálgast upptökur af þeim – á heimasíðu Stofnunar stjórnsýslufræða og stjórn mála.

## 5. Fjármál stofnunarinnar

Háskóli Íslands og Stjórn málafræðideild leggja stofnuninni til starfsaðstöðu og almenna umsýsluþjónustu, m.a. vegna fjármála, sem auk annars styður við fjárhagslega stöðu stofnunarinnar. Félagsvísindasvið hefur jafnframt stutt við útgáfu tímaritsins *Stjórn mála & stjórnsýsla*. Að öðru leyti er stofnunin rekin fyrir sjálfsaflafé og aflar fjármagns til rekstrar með styrksamningum, þjónustusamningum, umsjón með málþingum, námskeiðum og opnum fundum, rannsóknaverkefnum, aðstoð við rannsóknir og útgáfu, áskriftum að tímariti stofnunarinnar o.fl.

Skráðar heildartekjur reikninga í umsjá stofnunarinnar árið 2023 voru rúmlega 43 milljónir, en stofnunin var með sjö rekstrareiningar: 1) almennur rekstur; 2) rannsóknarreikningur Valds- og lýðræðisrannsóknar; 3) rannsóknarreikningur Rannsóknaseturs í fjölmiðlun og boðskiptum; 4) rannsóknarreikningur Lögmatísarannsóknar; 5) EURA 2023 ráðstefna; 6) *TVE-Tímarit um viðskipti og efnahagsmál*; og 7) tímaritið *Stjórn mála & stjórnsýsla*.

Staðan á meginrekstrarreikningum stofnunarinnar (almennur rekstur og tímaritið *Stjórnsmál & stjórnsýsla*) í árslok 2023 var jákvæð um níu og hálf milljón króna.

Nánari greiningu á rekstri og fjármálum stofnunarinnar fyrir árið 2023 er að finna í greinargerð sem lögð var fyrir stjórn stofnunarinnar.

## **Viðauki 1. Viðburðir og námskeið á vegum Stofnunar stjórnsýslufræða og stjórn mála árið 2023**

### **Ráðstefnur, málþing og opnir fundir:**

#### **Landsdómsmálið: Stjórn mála refjar og lagaklækir**

Opinn fundur 16. janúar á vegum Stofnunar stjórnsýslufræða og stjórn mála.

#### **Ótímabært sáðlát, svikarar og frekjur – Má segja hvað sem er um stjórn málafólk?**

Opinn fundur Félags stjórn málafræðinga og Stofnunar stjórnsýslufræða og stjórn mála 7. mars.

#### **Embættismaðurinn í nútímasamfélagi: Verkfæri í þágu lýðræðis og varðmaður góðra stjórn háttá**

Málþing forsætisráðuneytisins og Stofnunar stjórnsýslufræða og stjórn mála 23. mars.

#### **Stjórnsýsluúttektir Ríkisendurskoðunar**

Opinn fundur Stofnunar stjórnsýslufræða og stjórn mála, í samstarfi við Félag forstöðumanna ríkisstofnana, 18. apríl

#### **Alþjóðasamvinna á krossgötum: Hvert stefnir Ísland?**

Árleg ráðstefna Alþjóðamálastofnunar Háskóla Íslands, utanríkisráðuneytisins og Norræna hússins í samstarfi við Stofnun stjórnsýslufræða og stjórn mála og Félag stjórn málafræðinga, 19. apríl.

#### **Hvað eru framfarir í stjórn málum?**

Opinn fundur Heimspekistofnunar Háskóla Íslands, í samstarfi við Stofnun stjórnsýslufræða og stjórn mála og Bókmenntahátíð í Reykjavík, 20. apríl.

#### **Mannréttindasáttmálar – hvaða tilgangi þjóna þeir?**

Opinn fundur Stofnunar stjórnsýslufræða og stjórn mála, Félags stjórn málafræðinga og Mannréttindastofnunar Háskóla Íslands, 9. maí.

#### **Hví er hamingjan mest á Norðurlöndum?**

Opinn fundur Stofnunar stjórnsýslufræða og stjórn mála, í samstarfi við Félag stjórn málafræðinga og Félagsfræðingafélag Íslands, 23. maí.

#### **Dagur stjórn málafræðinnar – samsæri og sjálfhverfa í stjórn málum**

Opinn fundur Félags stjórn málafræðinga í samstarfi við Stofnun stjórnsýslufræðinga og stjórn mála, 16. júní.

#### **The European City – a practice of resilience in the face of an uncertain future**

Ráðstefna EURA (European Urban Research Association) í samstarfi við Stjórn málafræðideild Háskóla Íslands, Líf- og umhverfisfræðideild Háskóla Íslands, Stofnun stjórnsýslufræða og stjórn mála og Reykjavíkurborg, með stuðningi innviðaráðuneytis og byggðaáætlunar, 22.-24. júní.

### **Er kynferðisofbeldi eðlisólíkt öðru ofbeldi?**

Opinn fundur Stjórn málafræðideildar Háskóla Íslands, Stofnunar stjórnsýslufræða og stjórn mála og Alþjóðamálastofnunar, 28. september.

### **„Elon Musk, goðsagnir um málfrelsið og daður við öfga-hægrið“**

Opinn fundur Stofnunar stjórnsýslufræða og stjórn mála í samstarfi við meistaranám í blaða- og fréttamennsku og Rannsóknarsetur í fjölmiðla og boðskiptafræðum, 20. október.

### **20 ára afmælisfundur TVE-Tímarits um viðskipti og efnahagsmál**

Opinn afmælisfundur TVE í umsjón Stofnunar stjórnsýslufræða og stjórn mála, 10. nóvember.

### **Öryggismál stofnana – Viðbrögð við ógnunum í garð starfsfólks**

Opinn fundur Stofnunar stjórnsýslufræða og stjórn mála, í samstarfi við Félag forstöðumanna ríkisstofnana, 16. nóvember.

### **Treystir fólk stjórnvöldum? Skiptir það máli?**

Opinn fundur Félags stjórn málafræðinga og Stofnunar stjórnsýslufræða og stjórn mála, 8. desember.

### **Útgáfa haustheftis tímaritsins Stjórn mála & stjórnsýsla**

Útgáfuboð og opinn fundur á vegum tímaritsins Stjórn mála & stjórnsýsla, í umsjón Stofnunar stjórnsýslufræða og stjórn mála, 14. desember.

Nálgast má frekari upplýsingar um fundina og upptökur af flestum þeirra á vef stofnunarinnar, [www.stjornsyslustofnun.hi.is](http://www.stjornsyslustofnun.hi.is).

### **Námskeið:**

#### **Loftslagsmál: Verkefni, tækifæri og skyldur sveitarfélaga**

2. febrúar.

#### **#Metoo: Hvernig eiga vinnustaðir að bregðast við?**

8. febrúar.

#### **Hvaða kröfur gera reglur stjórnsýsluréttar til stafrænnar stjórnsýslu?**

9. febrúar.

#### **Stjórnsýsluréttur fyrir starfsfólk stjórnsýslu ríkis og sveitarfélaga**

14. febrúar – 23. mars.

**Er einhverntíma komið nóg? Mega stjórnvöld takmarka samskipti sín við borgarana?**

8. mars.

**Starfsmannamál og persónuvernd: Hvaða reglur gilda um meðferð persónuupplýsinga starfsmanna?**

22. mars.

**Hvaða reglur gilda um starfslok hjá ríki og sveitarfélögum?**

28. mars.

**Hvernig á að fara með beiðni um aðgang að gögnum? Praktísk álitæfni**

19. apríl.

**Ársreikningar sveitarfélaga og mat á afkomu þeirra**

27. apríl.

**Hraðferð um stjórnsýsluréttinn – skilvirk meðferð mála í samræmi við stjórnsýslulög**

16.-17. maí.

**Fjárhagsáætlanir sveitarfélaga**

7. september.

**Hraðferð um stjórnsýsluréttinn – skilvirk meðferð mála í samræmi við stjórnsýslulög**

19.-20. september.

**Hraðferð um stjórnsýsluréttinn – skilvirk meðferð mála í samræmi við stjórnsýslulög**

26. september, lokað námskeið.

**Hvenær er skylt að tilkynna aðstæður barna til barnaverndaryfirvalda?**

27. september.

**Hvaða reglur gilda þegar grunn- og framhaldsskólar taka ákvarðanir í málefnum nemenda?**

11. október.

**Áfallstjórnun – Crisis Management**

8. nóvember.

**Gildissvið upplýsingalaga og helstu reglur laganna**

15. nóvember.



## Viðauki 2. Titlar og höfundar ritrýndra greina í tímaritinu *Stjórnámál & stjórnsýsla* árið 2023

### Fræðigreinar sem birtust í vefriti stofnunarinnar í júní 2023:

*The theoretical and practical dilemma of creating a new organisational design for a municipality using sub-municipal units*

Eva Marín Hlynsdóttir

*Afallastjórnun í Mýrdalsbreyppi vegna Covid-19 faraldursins og þýðing stuðningsaðgerða stjórnvalda fyrir sveitarfélagið Húgrún Hannesdóttir og Ásthildur Elva Bernharðsdóttir*

*Inntak konungdóms í konungsríkinu Íslandi*

Björn Jón Bragason

### Fræðigreinar sem birtust í vefriti stofnunarinnar í desember 2023:

*„Segðu satt“: Pólítískt traust og væntingar til stjórnmalafólks á Íslandi, 2020-2023*

Viktor Orri Valgarðsson og Sigurbjörg Sigurgeirsdóttir

*Meira traust hjá þeim sem meira hafa: Ábrif auðmagns og upplifunar af ójöfnuði á traust til stjórnmalá*

Sigrún Ólafsdóttir og Jón Gunnar Bernburg

*Wicked Problem of Regional Development Policy in Iceland*

Anna Guðrún Edvardsdóttir, Rannveig Ólafsdóttir og Allison Williams

*Eru vannýtt takifæri til að draga úr skattsvikum? Spjótum beint að siðferði og persónuleika*

Arna Laufey Steinarsdóttir og Auður Hermannsdóttir